

Na osnovu člana 17. stav 2. Zakona o izvršavanju Budžeta Kantona Sarajevo za 2013. godinu ("Službene novine Kantona Sarajevo", broj 13/13), po zahtjevu Zavoda za informatiku i statistiku Kantona Sarajevo, Ministar finansija donosi sljedeću

ODLUKU

O PRERASPODJELI SREDSTAVA U BUDŽETU KANTONA SARAJEVO ZA 2013. GODINU ZA ZAVOD ZA INFORMATIKU I STATISTIKU KANTONA SARAJEVO

1. Odobrava se preraspodjela sredstava u Budžetu Kantona Sarajevo za 2013. godinu u iznosu od 2.650 KM u razdjelu 28010001- Zavod za informatiku i statistiku Kantona Sarajevo i to:
sa ekonomskih kodova:

Naknade troškova zaposlenih

611227 TAA005 Naknada u slučaju smrti i
teže invalid. iznos 750 KM

613300 Izdaci za komunalne usluge iznos 1.900 KM

na ekonomske kodove:

613100 Putni troškovi iznos 780 KM

613400 Izdaci za materijal i usluge iznos 320 KM

613900 Ugovorene i druge posebne usluge iznos 800 KM

613800 Izdaci osiguranja, bank. usl. i

usluga P.P. iznos 750 KM

2. Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-01-14-17836/13

30. septembra 2013. godine
Sarajevo

Ministar

Muhamed Kozadra, s. r.

OPĆINA CENTAR SARAJEVO

Općinski načelnik

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", br. 7/05) i člana 25. Statuta Općine Centar Sarajevo, prečišćeni tekst ("Službene novine Kantona Sarajevo", br. 23/04) Načelnik Općine Centar Sarajevo, dana 29.08.2013. godine, verifikovao je i donio

ODLUKU

O KOREKCIJI IZMJENA I DOPUNA REGULACIONOG PLANA POSLOVNE ZONE "ŠIP" (građevinska parcela K77)

Član 1.

Utvrđuje se Korekcija Izmjena i dopuna Regulacionog plana Poslovne zone "Šip" ("Službene novine Kantona Sarajevo", broj 2/07), u daljem tekstu: Korekcija Plana.

Član 2.

Korekcijom Plana utvrđeni su planski preduvjeti za preparcelaciju planirane građevinske parcele K77 koja je planirana na dijelu zemljišta označenog kao k.č. 678/1 k.o. Sarajevo VI, Općina Centar Sarajevo. Korekcijom Plana se mijenja oblik planirane parcele K77 na način da se na opisanom zemljištu formiraju dvije parcele označene kao K77 i K77-a, i pristupni put do parcele K77-a.

Gabarit planiranog objekata na parceli K77 se ne mijenja, dok je na parceli K77-a planirana izgradnja objekta spratnosti P+2, što je naznačeno u grafičkim prilogima br. 2 i br. 3.

Urbanističko-tehnički uslovi za izgradnju stambenog objekta na građevinskoj parceli K77-a su:

- Namjena planiranog objekta je stambeni, a spratnost je prizemlje i dva sprata (P+2). Regulaciona linija građevinske parcele K77-a obuhvata dio zemljišta označenog kao k.č. 678/1 k.o. Sarajevo VI, Općina Centar Sarajevo, na način kako je prikazano u grafičkom prilogu br. 2 i br. 3.
- Građevinska linija planiranog objekta je prikazana u grafičkom prilogu br. 2 i br. 3.
- Potrebno je obezbijediti parking prostor unutar regulacione linije građevinske parcele ili u planiranom objektu sa minimalnim brojem 1 stan - 1 parking mjesto.

Urbanističko-tehnički uslovi za izgradnju stambeno-poslovnog objekta na građevinskoj parceli K77 su propisani u Odluci o provođenju Izmjena i dopuna Regulacionog plana Poslovne zone "Šip" ("Službene novine Kantona Sarajevo", broj 2/07).

Član 3.

Korekcija Plana sastoji se iz tekstualnog dijela i grafičkog priloga sa prikazanom parcelom i građevinskom linijom planiranog objekta.

Tekstualni dio i grafički prilog korekcije Plana su sastavni dio Izmjena i dopuna Regulacionog plana Poslovna zona "Šip" ("Službene novine Kantona Sarajevo", broj 2/07).

Član 4.

Korekcija Plana je rađena za fazu urbanizma, a obaveza investitora je da za faze komunalne infrastrukture i saobraćaja izvrši usaglašavanje Korekcije Plana sa Idejnim rješenjima, koja su sastavni dio Izmjena i dopuna Regulacionog plana Poslovne zone "Šip", te da pribavi saglasnost nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Ministarstva prostornog uređenja i zaštite okoliša Kantona Sarajevo i Gradske uprave Grada Sarajeva - Službe za urbano planiranje i stambene poslove.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Centar, a naknadno će se objaviti u "Službenim novinama Kantona Sarajevo".

Broj 07-23-3473/12

29. augusta 2013. godine

Općinski načelnik

Dževad Bećirević, s. r.

Objavljeno na oglasnoj ploči dana 29.08.2013. godine.

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", br. 7/05) i člana 25. Statuta Općine Centar Sarajevo, prečišćeni tekst ("Službene novine Kantona Sarajevo", br. 23/04) Načelnik Općine Centar Sarajevo, dana 29.08.2013. godine, verifikovao je i donio

ODLUKU

O KOREKCIJI REGULACIONOG PLANA "JAGOMIR II"

(raskrsnica Betanija - Slatina - Kromolj)

Član 1.

Utvrđuje se Korekcija Regulacionog plana "Jagomir II" ("Službene novine Kantona Sarajevo", broj 15/03), u daljem tekstu: Korekcija Plana.

Član 2.

Korekcijom Plana stvoreni su preduvjeti za realizaciju planirane raskrsnice Betanija-Slatina-Kromolj, a prema saobraćajno-tehničkom rješenju predmetne raskrsnice usvojenom kroz RP "Gradski park Betanija" ("Službene novine Kantona Sarajevo", broj 25/02) i RP "Zetra"- prečišćeni tekst ("Službene novine Kantona Sarajevo", broj 51/12).

Član 3.

Korekcija Plana sastoji se iz tekstualnog dijela i dva grafička priloga koji su predmet Korekcije, sa prikazanom parcelom i građevinskom linijom planiranog objekta.

Tekstualni dio i grafički prilog korekcije Plana su sastavni dio Regulacionog plana "Jagomir II" ("Službene novine Kantona Sarajevo", broj 15/03).

Član 4.

Korekcija Plana je rađena za fazu urbanizma, a obaveza investitora je da za faze komunalne infrastrukture i saobraćaja izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Jagomir II", te da pribavi saglasnost nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Ministarstva prostornog uređenja i zaštite okoliša Kantona Sarajevo i Gradske uprave Grada Sarajeva - Službe za urbano planiranje i stambene poslove.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Centar, a naknadno će se objaviti u "Službenim novinama Kantona Sarajevo".

Broj 07-23-4101/12

Općinski načelnik

29. augusta 2013. godine

Dževad Bećirević, s. r.

Objavljeno na oglasnoj ploči OC 29.08.2013. godine.

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinski načelnik, dana 29.08.2013. godine, verifikovao je i donio

ODLUKU**O KOREKCIJI REGULACIONOG PLANA "ČOBANIJA"**
(Investitor Čosović Vezira)

Član 1.

Utvrđuje se Korekcija Regulacionog plana "Čobanija" ("Službene novine Kantona Sarajevo", broj 20/09), u daljem tekstu: Korekcija Plana.

Član 2.

Korekcijom Plana utvrđeni su planski preduvjeti za rekonstrukciju, dogradnju i nadzidivanje postojećeg stambenog objekta u ulici Čobanija do br. 24, na parceli označenoj kao dio k.č. 1154/1 k.o. Sarajevo VIII, Općina Centar, prema sljedećim urbanističko-tehničkim uslovima, odnosno na način:

- Namjena objekta je stambeni, a spratnost je prizemlje i potkrovlje. Regulaciona linija građevinske parcele obuhvata dio zemljišta označenog kao dio k.č. 1154/1 k.o. Sarajevo VIII, Općina Centar, na način kako je prikazano u grafičkom prilogu br. 2 i 3.
- Građevinska linija objekta je 9,5 x 11,0 m., a prikazana je u grafičkom prilogu br. 2 i br. 3.
- Rekonstrukciju, dogradnju i nadzidivanje postojećeg stambenog objekta izvršiti u svemu prema uslovima datim u Izvještaju o inženjersko-geološkim i geomehaničkim karakteristikama tla, br. 330/12 od 14.11.2012., urađenom od strane "PIGIP" d.o.o. Sarajevo.
- Potrebno je obezbijediti parking prostor unutar regulacione linije parcele sa minimalnim brojem 1 stan - 1 parking mjesto.
- Prilaz građevinskoj parceli je obezbijeden preko postojećeg pristupnog puta koji je ucrtan u Regulacioni plan.

Član 3.

Korekcija Plana sastoji se iz tekstualnog dijela i grafičkih priloga: Izvod iz Regulacionog plana "Čobanija", - 1:1000; Korekcija Regulacionog plana "Čobanija" - "Situacija-planirano stanje" 1:500; Analitička obrada građevinske i regulacione linije - 1:500.

Tekstualni i grafički prilozi Korekcije Plana, sastavni su dio Regulacionog plana "Čobanija", ("Službene novine Kantona Sarajevo" broj 20/09).

Član 4.

Korekcija Plana je rađena za fazu urbanizma i saobraćaja, a obzirom da nije zahtjevala promjene u ostalim fazama Plana, korekcija Plana je usaglašena sa Idejnim rješenjima koja su sastavni dio Regulacionog plana "Čobanija" ("Službene novine Kantona Sarajevo", broj 20/09).

Član 5.

Po jedan primjerak ovjerene Korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Centar, Gradske uprave Grada Sarajeva, Zavoda za planiranje razvoja Kantona Sarajevo, i Ministarstva prostornog uređenja i zaštite okoliša Kantona Sarajevo.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Centar, a naknadno će se objaviti u "Službenim novinama Kantona Sarajevo".

Broj 07-23-7292/12

Općinski načelnik

29. augusta 2013. godine

Dževad Bećirević, s. r.

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", br. 7/05) i člana 25. Statuta Općine Centar Sarajevo, prečišćeni tekst ("Službene novine Kantona Sarajevo", br. 23/04) Načelnik Općine Centar Sarajevo, dana 02.09.2013. godine, verifikovao je i donio

ODLUKU**O KOREKCIJI REGULACIONOG PLANA "CIGLANE"**
(PARCELA PO3 - poslovni objekat 1)

Član 1.

Utvrđuje se Korekcija Regulacionog plana "Ciglane" ("Službene novine Kantona Sarajevo", broj 46/12), u daljem tekstu: Korekcija Plana.

Član 2.

Korekcija Plana rađena je u skladu sa ranije izdatom urbanističkom saglasnosti (br. 07-23-4112/03 od 07.02.2005.), a koja je dostavljena Zavodu u toku izrade planskog dokumenta.

Tokom izrade prijedloga Plana, došlo je do tehničke greške prilikom crtanja predmetnog objekta i građevinske parcele.

Urbanističkom saglasnosti predmetni objekat komercijalnog sadržaja numerisan je kao "PO3", a Regulacionim planom Ciglane kao objekat broj "1". Regulaciona linija obuhvata parcelu k.č. 62/23 i dio parcele 62/20, K.O. Sarajevo VII, Općina Centar, na način kako je prikazano u grafičkom prilogu br. 2. Građevinska linija definisana je u skladu sa ranije izdatom urbanističkom saglasnosti i to max gabarit objekta 10.00 x 8.00 m, na k.č. 62/23 K.O. Sarajevo VII, spratnosti 1/2 Po+P, gdje BGP podrumске etaže iznosi 40 m², prizemlja 80 m². Ukupni BGP planiranog objekta iznosi 120,00 m².

Član 3.

Korekcija Plana sastoji se iz tekstualnog dijela i grafičkog priloga sa prikazanom parcelom i građevinskom linijom planiranog objekta. Tekstualni dio i grafički prilog korekcije Plana su sastavni dio Regulacionog plana "Ciglane" ("Službene novine Kantona Sarajevo", broj 46/12).

Član 4.

Korekcija Plana je rađena za sve faze koje su sastavni dio Plana, i to urbanizam, saobraćaj, analitička obrada građevinskih